



ORIOKOUNDALA

Euskaraz
bizi-bizi

AKTA

Udalbatza eratzeko bilkura

EGUNA: 2015eko ekainaren 13a, larunbata

TOKIA: Udalbatzarraren aretoa, udaletxean

DEIALDIA: Lehena

HASTEKO ORDUA: 10:30 **BUKATZEKO ORDUA:** 10:45

BERTARATUTAKO ZINEGOTZI HAUTATUAK:

ALDERDI POLITIKOA: EAJ

- Jose Angel Zaldúa Iparragirre
- Lourdes Salsamendi Goñi
- Angel Del Hoyo Bravo
- Aitziber Campos Morey
- Eugenio Cotado Iturain
- Elixabete Bello Martija

KOALIZIO POLITIKOA: EUSKAL HERRIA BILDU (EHBILDU)

- Emeterio Iribar Sorazu
- Amaia Dorronsoro Portularrume
- Gotzon Igoa Agirrezabal
- Amagoia Iribar Manzisidor

HAUTESLEEN TALDEA: ORAIN: ORIOKO AUKERA INDEPENDENTEA

- Miriam Uranga Egurza
- Jose Angel Iparragirre Alberdi

ALDERDI POLITIKOA: PSE-EE-PSOE

- Ana Priede Merchan

Idazkari-kontu-hartzailea

Jon Carrera Jauregi



Gai-zerrenda

- 1.- Adin-mahaia eratzea.
- 2.- Udalbatza eratzea.
- 3.- Alkatea aukeratzea.

Esan-eginak

1.- ADIN-MAHAIA ERATZEA.

Ekainaren 19ko 5/1985 lege organikoaren 195.2 artikulua dioenari jarraituz, zinegotzi-agiriak idazkaritzari eman ondoren, bertaratutako zinegotzietan zein den gazteena eta zein zaharrena aztertu da, bi zinegotzi horiek adin-mahaia osa dezaten, udal idazkariarekin batera. Adin-mahaia, beraz, honela osatuta geratzen da:

- Mahaiburua: Angel del Hoyo Bravo jauna, 61 urte, zinegotzi hautatu zaharrena.
- Amagoia Iribar Manzisidor andrea, 27 urte, zinegotzi hautatu gazteena.
- Idazkaria: Jon Carrera Jauregi, bilkura honetako idazkari ere badena.

2.- UDALBATZA ERATZEA.

Adin-mahaiak zinegotzi agiriak aztertu ditu, eta baita eskualdeko hauteskunde batzordeak udaletxera bidalitako ziurtagiriak ere, zinegotzi agiriak eta ziurtagiriak bat datozela frogatzeko.

Horren ondoren, zinegotziek zin egin edo agindu dute zintzo beteko dituztela karguari dagozkion obligazioak, eta konstituzioa zaindu eta zainaraziko dutela estatuaren arau nagusitzat.

Horrenbestez, zinegotzi guztien gehiengo osoa bilkuran dagoela, adin-mahaiak eratutzat jo du udalbatza.

Jarraian, idazkariak kuxako kontaktetaren agiria, Udalak dirutan nahiz baloretan dituen balioen ziurtagiriak eta ondarearen inbentarioa aurkeztu dizkio udalbatzari, zinegotziek azter dezaten.



3.- ALKATEA AUKERATZEA.

Ekainaren 19ko 5/1985 lege organikoaren 196. artikuluari jarraituz, adin-mahaiak alkatea aukeratzeko baldintzak gogorarazi ditu idazkariak:

- Zinegotzi diren zerrendaburu guztiak dira hautagai.
- Zinegotzi hautatu guztiak dira hautesle.
- Txartel sekretu bidez egingo da aukeraketa.
- Botoen legezko gehiengo absolutua lortzen duen hautagaia izango da hautatua; beraz, gutxienez, 7 boto lortu beharko dira.
- Inork ez badu botazio horretan gehiengo absolutua lortzen, automatikoki aldarrikatuko da alkate hauteskundeetan boto kopururik handiena lortu duen zerrendako buru den zinegotzi hautatua. Berdinketa izanez gero, zozketa bidez erabakiko da.

Horren berri eman ondoren eta gaiari buruz idazkaritzan dauden aurrekaritan oinarrituz, alkategai izendatzen dira ondoko zinegotzi hautatuak:

- Jose Angel Zaldúa Iparragirre, EAJ alderdi politikoko zerrendaburua.
- Emeterio Iribar Sorazu, EHBILDU koalizioko zerrendaburua.
- Miriam Uranga Egurza, ORAIN hautesleen taldeko zerrendaburua.
- Ana Priede Merchan, PSE-EE-PSOE alderdi politikoko zerrendaburua.

Idazkariak txartel zuria ematen dio hautesle bakoitzari, adieraziz bertan jarri behar dituela alkate izateko bere botoa ematen dion zinegotziaren izen-deiturak, eta txartela tolestuta entregatzeko.

Behin txartel guztiak jaso ondoren, botoen kontaketa egiten da eta idazkariak ozen irakurtzen ditu alkate izateko txartel bakoitzean proposatu den zinegotziaren izen-deiturak. Kontaketaren emaitza honako hau da:

- Jose Angel Zaldúa Iparragirre, 7 boto.
- Emeterio Iribar Sorazu, 4 boto.
- Miriam Uranga Egurza, 2 boto.

Idazkariak bertan daudenei txartel guztiak eta egindako eragiketa aritmetikoa egiaztatzeko aukera ematen die. Ondoren, txartelak puskatu egiten dira.



Botazioaren emaitza ikusita, Jose Angel Zaldua Iparragirre zinegotzi hautagaia aldarrikatzen da Udal honetako alkate, boto gehien berak lortu dituelako —7 boto, hain zuzen ere—, legezko gehiengo absolutua osatuz.

Jarraian, Jose Angel Zaldua Iparragirre zinegotzi hautatuak adierazten du onartu egiten duela Udaleko alkate kargua eta, hauteskunde legeriak ezarritako formularen arabera promesa egin ondoren, karguaren jabetza hartzen du udalbatzarraren aurrean. Kargua edukitzeak barnean hartzen ditu indarrean dauden xedapenek ematen dizkioten eskumen, eskubide eta obligazio guztiak.

Ondoren, idazkariak udalbatzarrari adierazten dio eta hau jakinaren gainean gelditzen da, zinegotzi hautatuetatik zeintzuk egin duten interesen eta jardueren aitorpena; honako hauek dira:

- Jose Angel Zaldua Iparragirre
- Lourdes Salsamendi Goñi
- Angel Del Hoyo Bravo
- Aitziber Campos Morey
- Eugenio Cotado Iturain
- Elixabete Bello Martija
- Emeterio Iribar Sorazu
- Amaia Dorronsoro Portularrume
- Gotzon Igoa Agirrezabal
- Amagoia Iribar Manzisidor
- Miriam Uranga Egurza
- Jose Angel Iparragirre Alberdi
- Ana Priede Merchan

Era berean, idazkariak honako honen berri ematen dio udalbatzarrari: zinegotzi hautatu guztiek egin dutela dagokien bateraezintasun arrazoien aitorpena.

Jakinarazten du, baita ere, aitorpen horiek inskribatuak izan direla horretarako prestatu diren erregistroetan.

Orain arteko alkateak, Beñat Solaberrieta Albizuk, aginte-makila ematen dio Jose Angel Zaldua Iparragirre alkate berriari eta zorionak ematen dizkio alkate izendatua izanagatik



ORIOKOUNDALA



Segidan, alkate berriak hartzen du hitza eta honako hau adierazten du: eskertu nahi diola, orokorrean, Orioko herriari eta, bereziki, bertaratutakoei alkate izendatu izana, eta gogora ekartzen du, bertaratutako batek adierazi zion bezala, harro sentitu behar duela lortutako emaitzarekin eta alkatetza lortzearekin, baina ez harrotuta.

Horrenbestez, bilkurari amaiera ematen zaio eta, erabakitakoa jasota gera dadin, nik, idazkaria naizenez, akta hau egiten dut alkatearen ontzat emanarekin.

ALKATE-PRESIDENTEA,

IDAZKARIA,